

SCRIPTA

Numéro Scripta : 1374

Auteur(s) : Richard Ier Cœur de Lion, Angleterre (roi)

Bénéficiaire(s) : Rouen, Saint-Ouen (abbaye)

Genre d'acte : charte

Authenticité : non suspect

Datation : 1198, 17 juillet

Lieu d'émission : Château-Gaillard

Action juridique : échange

Langue du texte : latin

Analyse

Charte de Richard roi d'Angleterre et duc de Normandie.

Tableau de la tradition

Éditions principales

a. Pommeraye Jean-François, *Histoire de l'abbaye royale de Saint-Ouen de Rouen*, Rouen, Lallemand, 1662, p. 432.

Dissertation critique

La Roche-d'Andely : Château-Gaillard.

Texte établi d'après a

Richardus Dei gratia rex Angliæ, dux Normanniæ, Aquitaniæ et comes Andegaviæ archiepiscopis, episcopis, abbatibus, comitibus, baronibus, iusticiariis, vicecomitibus, senescallis, præpositis, bailliis, et omnibus ministris et fidelibus suis, salutem. Sciatis nos dedisse et concessisse, et præsentis charta nostra confirmasse abbati et monachis sancti Audoeni Rothomagensis villam quæ dicitur Poses cum omnibus pertinentiis in perpetuam eleemosynam pro Excambio terræ suæ quam habebant apud Limayam iuxta Pontem-archæ, et pro excambio pratorum et tenementorum suorum, et reddituum suorum quæ stagnum iuxta Rothomagum occupant ; concedimus etiam abbatiæ et monachis sancti Audoeni decimas omnium molendinorum, quæ nostra erant apud Rothomagum, quæ dedimus in excambium archiepiscopo Rothomag. sicut eas habuerant antequam molendina illa daremus archiepiscopo. Quare volumus et firmiter præcipimus quod prædicta abbatia, et prædicti monachi sancti Audoeni, prædictam villam de Poses, cum pertinentiis habeant et teneant, bene et in pace, libere et quiete, integre, plenarie et honorifice, cum omnibus libertatibus et liberis consuetudinibus suis, et cum integritate sua et similiter præfatas decimas molendinorum apud Rothomagum, ne quis eos super hoc in aliquo disturbet aut impediat. Testibus Vvillielmo filio Radulfi, tunc senescallo Norman. Vvillielmo Dehommet, constabulario Normanniæ. Petro de Pratellis. Vvalterio de Ely. Vvillielmo filio Richardi. Magistro Nicolao de Berleya, et pluribus aliis data per manum Eliensis episcopi cancellarii nostri, 17. die Iulii, apud Rupem Andely. Anno nono regni nostri.